

Uns 150 alumnos de ensino secundario de Cataluña estudan a lingua e a cultura do noso país nos seus centros, á vez que unha vintena de estudantes do [IES Pedregal](#), en Meira, e do [IES Augas de Laxe](#)

, en Gondomar, aprenden o catalán.

Trátase do proxecto [Galauda](#) unha iniciativa posta en marcha en 1999, ao que está previsto se una no vindeiro curso o [IES Escolas Proval](#) de Nigrán, tamén na comarca de Vigo. A conselleira de

[Educación](#)

, Laura Sánchez Piñón, e a secretaria xeral de

[Política Lingüística](#)

, Marisol López, recibiron este martes a un grupo de 64 alumnos cataláns -algúns deles descendentes de galegos- no marco deste proxecto en que tamén colabora

[Vicepresidencia](#)

Na actualidade, uns 150 alumnos de media ducia de institutos cataláns aprenden a lingua de Galiza dentro da oferta educativa deses centros.

“Unha lingua sen falantes morre”

Durante o acto de recepción, a coordinadora do proxecto, Sabela Labraña, repasou os problemas que para difundir e usar tanto o galego como o catalán houbo na historia, e subliñou que “unha lingua que non ten falantes acaba morrendo”.

“De que depende a vida das linguas?”, preguntou a coordinadora, que contestou seguidamente “da xente que as fala”. Ademais, considerou que “agora hai a oportunidade de que todas as linguas sexan iguais e que o galego e catalán sexan linguas normais”.